



I. ATALA
BIZKAIKO LURRALDE HISTORIKOKO FORU ADMINISTRAZIOA
Bizkaiko Foru Aldundia

Herri Administrazioarako eta Erakunde Harremanetarako Saila

Bizkaiko Foru Aldundiaren erabakia, 2017ko abenduaren 19an, Bizkaiko Foru Aldundiaren 2017ko enplegu publikoaren bigarren eskaintza onesten duena.

ERABAKIA

1. artikulua

Euskal Funtzio Publikoari buruzko uztailaren 6ko 6/1989 Legearen 22tik 24ra bitarteko artikuluetan, Enplegatu Publikoaren Oinarrizko Estatutuaren Legearen Testu Bategina onartzen duen urriaren 30eko 5/2015 Legegintzako Errege Dekretuaren 70. artikuluan, Estatuko 2017. urterako Aurrekontu Orokorrei buruzko urriaren 29ko 3/2017 Legearen 19. artikuluan eta Bizkaiko Lurralde Historikoaren 2017. urteko Aurrekontu Orokorrei buruzko abenduaren 27ko 7/2016 Foru Arauaren 17. artikuluan xedatzen dena betez, Bizkaiko Foru Aldundiaren enplegu publikoaren bigarren eskaintza onetsi da 2017ko ekitaldirako, erabaki honetan ezartzen den eran.

2. artikulua

Enplegu publikoaren eskaintza honetan, aurrekontuko zuzkidura duten plaza hutsak sartzeko dira; erabaki honen eranskinean agertzen da haien kuantifikazioa, eskala, azpieskala, mota eta espezialitatetan sailkatua. Beraz, konprometitutako plazei gehi gehienez ere gainerako plazen ehuneko hamarrari dagozkien hautaketa-prozesuetarako deialdia egin beharko da. Plaza huts horiek ez daude beste ezekin enplegu-eskaintzatan edo deialdi-prozesutan konprometiturik.

Halaber zehazten dira erabaki honen eranskinean zer plaza eskainiko diren aldi baterako enplegua egonkortzeko Estatuaren 2017. urterako Aurrekontu Orokorrei buruzko urriaren 29ko 3/2017 Legearen 19. Bat. 6 artikuluan aurrez ikusitako tasa gehigarrien arabera.

3. artikulua

1. Euskal Funtzio Publikoari buruzko uztailaren 6ko 6/1989 Legearen zazpigarren xedapen gehigarria eta arloan aplikatzekoa den gainerako araudia (Desgaitasuna duten pertsonen eskubideei eta haien gizarteratzeari buruzko Lege Orokorra, azaroaren 29ko 1/2013 Legegintzako Errege Dekretuak onetsi zuena) betez, lanpostu hutsen erreserba bat egiten da % 33ko desgaitasuna edo handiagoa duten pertsonekin betetzeko, baldin eta pertsona horiek hautaketa-probak gainditzen badituzte eta, dagokion unean, aplikatu beharreko legeak ezarritakoaren arabera ziurtatzen badute desgaitasun-maila hori dutela eta desgaitasun hori bateragarria dela egin beharreko lan eta eginkizunekin. Era berean, Enplegatu Publikoaren Oinarrizko Estatutuari buruzko Legearen Testu Bategina onesten duen urriaren 30eko 5/2015 Legegintzako Errege Dekretuaren 59. artikuluan ezarritakoa betez, honela egingo da plazen %7ren gutxieneko erreserba: desgaitasun intelektuala duten pertsonak beteko dute eskaintako plazen %2 gutxienez; gainerako plazak, berriz, beste edozein desgaitasun mota dutenek beteko dituzte. Plaza-erreserba horretan, 2017. urterako eskaintzen diren plaza guztien %7 gordeko dira, eta dagokien deialdietan ezarriko da nola banatuko diren.

2. Desgaitasuna duten pertsonentzat erreserbatutako plazak sarrera arrunteko plaza-deialdietan sartu ahal izango dira, edo aparteko txanda batean.

3. Desgaitasuna duten pertsonak gainerako hautagai guztien baldintza berberetan onartuko dira Foru Aldundiak deitutako hautaketa-prozeduretan.



4. Desgaitasuna duten pertsonak eskatuz gero, denbora eta baliabideak egokituko dira hautaketa-probak egin ahal izateko, betiere horrekin proben edukia hutsaltzen ez bada edo eskatzen den maila murriztu edo gutxitzen ez bada.

5. Artikulu honen ondorioetarako, desgaitasuna duten pertsonatzat joko dira izaera hori edo %33ko edo gehiagoko desgaitasun-maila organo eskudun batek aitortua dutenak, 1999ko abenduaren 23ko 1971/99 Errege Dekretuaren arabera. (IMSERSO, Bizkaiko Foru Aldundiko Gizarte Ekintza Saila edo baliokidea).

6. Aurreko puntuetan adierazitako kasuetan, desgaitasuna duten pertsonentzat erreserbatutako plazak eskatzen dituzten hautagaiek honako hau egiaztatu beharko dute, organo eskudunek emandako ziurtagiriaren bidez: batetik, desgaitasun hori badutela eta, bestetik, eskatutako plazetan egin beharreko lanak eta eginkizunak egiteko gaitasuna dutela.

4. artikulua

Giza Baliabideen Planetik eratorritako barne-sustapeneko deialdietan izan ezik (deialdi horiek beren araudia dutelako):

1. Plazen izaera irekia gorabehera, deialdi bakoitzean deitutako plaza hutsen artean egokitzen jotako kopurua erreserbatu ahal izango da, barne-sustapeneko sistemaren bidez betetzeko.

2. Barne-sustapenez sartzeko, probak gainditu behar dira. Kasu bakoitzerako eskala, azpieskala, mota eta espezialitatean sartzeko deialdian ezarriko dira proba horiek.

3. Barne-sustapenerako erreserbatutako plazaren bat hutsik geratzen bada, txanda askeko plazei gehituko zaie.

4. Estatuaren 2017. urterako Aurrekontu Orokorrei buruzko urriaren 29ko 3/2017 Legeak bere 19. artikuluan Bat zenbakian, 4 zenbakiaren azken paragrafoan zehazten duenez, barne-sustapeneko sistemaren bidez hornitzeko erreserbatzen diren plazak, Giza Baliabideen Planetik eratorritakoak zein deialdi bakoitzean erreserbatzen direnak —aurreko ataletan adierazienez— ez dira kontuan hartuko birjarpen-tasak ekarritako plazen gehieneko mugaren barruan.

5. artikulua

1. Euskal Funtzio Publikoari buruzko 6/1989 Legearen V. tituluan xedatzen dena eta Euskal Autonomia Erkidegoko herri administrazioetan euskararen erabilera normalizatzeko prozesua arautzen duen apirilaren 15eko 86/1997 Dekretuan ezartzen dena betetzeko (aipaturiko 6/1989 Legearen 97.5 artikulua eta dekretu horren 27. artikulua lotuz), eta kontuan hartuta enplegu-eskaintzako plazak deitzeko dela eta ez zuzenean lanpostuak deitzeko, egun lanpostuen hizkuntza-eskakizunak lanpostuen zerrendetan adierazita daudela eta Eusko Jaurlaritzako organo eskudunek epe honetan dagoeneko onartu diren lanpostuei buruz emandako txostenekin bat datozela, enplegu publikoaren eskaintza honetan eskaintako plazen hizkuntza-eskakizunak eranskinean adierazita-koak izango dira.

2. Derrigorrezko hizkuntza eskakizuna duten plazetan, hizkuntza eskakizuna nahitaez bete behar da plazara sartzeko, eta egiaztapena deialdiaren oinarrietan zehaztutako eran egingo da.

3. Eskaintako gainerako plazetan, euskararen ezagutza merezimendutzat joko da. Ehuneko hori ez da inola ere hautaketa-prozesuaren gainerako ariketetan guztira gehienez lortu daitekeen puntuazioaren ehuneko bost baino txikiagoa izango, ezta ehuneko hogeitau baino handiagoa ere, honako eskala honen arabera:

- 1. hizkuntza-eskakizuna: %5etik %10era.
- 2. hizkuntza-eskakizuna: %5etik %10era.
- 3. hizkuntza-eskakizuna: %11tik %20ra.
- 4. hizkuntza-eskakizuna: %11tik %20ra.

**6. artikulua**

1. Bizkaiko Foru Aldundiaren Gobernu Kontseiluak Giza Baliabideen Plana onartu zuen, 1996ko ekainaren 25eko bilkuran (plan horrek zenbait neurri ezartzen ditu, Euskal Funtzio Publikoari buruzko 6/1989 Legearen 22. artikulua babesean —Euskal Funtzio Publikoari buruzko Legea aldatzen duen azaroaren 7ko 16/1997 Legean emandako testuaren arabera— eta Funtzio Publikoaren erreformarako neurrien 30/1984 Legearen hogeita batgarren xedapen gehigarriaren babesean —22/1993 Legeak gehitutako xedapena—). Plan hori gauzatzeko, E taldea eta lanbide-taldeak barne-sustapenez C2 (D) azpitaldera aldatzeko hiru (3) plazaren deialdia egiteko aurreikuspena dago, Bizkaiko Foru Aldundiaren 2017ko urriaren 3ko erabakian ezarritako helmenaren eta banaketaren arabera. Gainera, plan hori betearazteko, kudeaketako teknikari ertainen lau (4) plaza deitzea aurrez ikusten da, barne-sustapenaren bidez betetzeko.

2. Hautaketa-prozeduraren ondorioz, barne-sustapeneko lanpostu horiek bete gabe geratzen badira, ezin izango zaizkie inola ere gehitu enplegu publikoaren eskaintzan txanda askean betetzeko eskaintako lanpostuei.

7. artikulua

1. Edonola ere, Enplegatu Publikoaren Oinarrizko Estatutuari buruzko Legearen Testu Bategina onesten duen urriaren 30eko 5/2015 Legegintzako Errege Dekretuaren 10.1.c) artikuluan eta Euskal Funtzio Publikoari buruzko Legearen hamazazpigarren xedapen gehigarrian xedatutakoaren arabera, bitarteko funtzionarioak izendatu ahal izango dira aldi baterako programak garatu ahal izateko, bai eta urriaren 30eko 5/2015 Legegintzako Errege Dekretuaren 10.1.d) artikuluan xedatutako gehiegizko zereginak edo zeregin-pilaketa betetzeko ere; baina plantillan hutsik dauden plazak bitarteko funtzionarioen bidez baino ezin dira bete, karrerako funtzionarioen bidez plazak bete ez direnean edo aldi baterako absentsia dela-eta haien plazen eginkizunak betetzeko.

2. Bitarteko funtzionarioek honako kasu hauetan galduko dute berez beren kargua: dagokion deialdian gainditu duten hautagaiak karrerako funtzionario karguaz jabetzen direnean, ordeztzen duten funtzionarioa itzultzen denean eta, edozein kasutan, izendapena eragin duten premiazko arrazoiak edo beharrianak desagertzen direnean. Horrez gainera, Enplegatu Publikoaren Oinarrizko Estatutuari buruzko Legearen Testu Bategina onesten duen urriaren 30eko 5/2015 Legegintzako Errege Dekretuaren 10.1.c) artikuluan eta Euskal Funtzio Publikoari buruzko Legearen hamazazpigarren xedapen gehigarrian xedatutakoaren arabera, bitarteko funtzionarioak izendatu ahal izango dira aldi baterako programak garatu ahal izateko, Enplegatu Publikoaren Oinarrizko Estatutuari buruzko Legearen Testu Bategina onesten duen urriaren 30eko 5/2015 Legegintzako Errege Dekretuaren 10.1.c) artikuluan xedatutako gehiegizko zeregin edo zeregin-pilaketarako izendatzen direnean, programa eta izendapen horiek amaitzen direnean galduko dute kargua.

AZKEN XEDAPENA

Erabaki hau Bizkaiko Aldizkari Ofizialean argitaratzen den egun berean jarriko da indarrean.

Bilbon, 2017ko abenduaren 19an.—Herri Administrazioarako eta Erakunde Harremanetarako foru diputatua, Ibone Bengoetxea Otaolea



ERANSKINA / ANEXO

Administrazio Bereziko Eskala / Escala de Administración Especial

Plazaren kodea Código Plaza	Izena Denominación	Plaza kop. N.º Plazas	Hizkuntz eskakizuna Perfil lingüístico	Derrigorrezkoa Preceptivo	Derrigorrezkoa ez dena No preceptivo
Teknikarien azpieskala; goi-mailako teknikarien mota Subescala Técnico/a, Clase Técnico/a Superior					
1311160	Antolaketako teknikaria Técnico/a de Organización	12	3	12	
1311125	Industria-ingeniaría Ingeniero/a Industrial	3	3	3	
1311127	Finantzen ikuskatzailera Inspector/a de Finanzas	1*	3	1	

*Barne-sustapenerako erreserbatuta/ Reservada a promoción interna.

Administrazio Orokorreko Eskala / Escala de Administración General

Plazaren kodea Código Plaza	Izena Denominación	Plaza kop. N.º Plazas	Hizkuntz eskakizuna Perfil lingüístico	Derrigorrezkoa Preceptivo	Derrigorrezkoa ez dena No preceptivo
Teknikari Ertainen Azpieskala Subescala Técnico/a Medio/a					
1311160	Kudeaketako teknikari ertaina Técnica/o Media/o de Gestión	4	3	4	
Administrarien Azpieskala Subescala Administrativa					
1231301	Administraria Administrativo/a	42	2 3	20 22	

Tasa adicional del artículo 19.uno.6 de la Ley 3/2017, de 27 de junio, de Presupuestos Generales del Estado para el año 2017.

2016ko abenduaren 31ren aurreko plazak / Plazas anteriores a 31 de diciembre de 2016

Plazaren kodea Código Plaza	Izena Denominación	Plaza kop. N.º Plazas	Hizkuntz eskakizuna Perfil lingüístico	Derrigorrezkoa Preceptivo	Derrigorrezkoa ez dena No preceptivo
Administrarien Azpieskala Subescala Administrativa					
1231301	Administraria Administrativo/a	101	2 3	61 40	

2005ko urtarrilaren 1aren aurreko plazak / Plazas anteriores al 1 de enero de 2005

Plazaren kodea Código Plaza	Izena Denominación	Plaza kop. N.º Plazas	Hizkuntz eskakizuna Perfil lingüístico	Derrigorrezkoa Preceptivo	Derrigorrezkoa ez dena No preceptivo
Administrarien Azpieskala Subescala Administrativa					
1231301	Administraria Administrativo/a	5	2 3	2 3	